



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

8067

1877  
91 (42.925) .04

W 40

Հ. ԱՌԱՔԵԼԵԱՆՑ

Ճանապարհորդութիւն  
47

ԴԱԻՐԵԺԻՑ ՆԱԽԻՉԵՒԱՆ

48101

—  
Myman

1876

Ք Ի Յ Լ Ի Ջ

Դի տպարանի Համբարձումայ Էնֆիանեանց եւ Ընկ.

26

16137

Հ Բ Ա Տ Ա Բ Ա Կ Ո Ի Թ Ի Ի Ն

Ե Մ Բ Ա Պ Գ Բ Ո Ի Թ Ե Մ Ն

„Մեղու Հայաստանի“

Լ Բ Ա Գ Բ Ի

Дозволено цензурою, Тифлисъ, 18-го ноября 1875-го года.




93-2013

Ճ Ա Ն Ա Պ Ա Ր Հ Ո Ր Դ Ո Թ Ի Ի Ն

Թ Ա Ի Բ Ի Զ Ի Յ

Ն Ա Խ Ի Զ Ե Ի Ա Ն .



Ա .

Ես այստեղ միայն կամենում եմ նկարագրել իմ ընթերցողներին այն տպաւորութիւնքն, զորս ես ստացայ այդ երեքօրեայ ուղևորութեան միջոցին: Եւ իմ ճանապարհորդութիւնս չունի այլ իմն նպատակ, եթէ ոչ յառաջուց իմայնել ուղևորներին ինչ որ նորա հանդիպելու են ճանապարհին:

Առ հասարակ այս վերջին ժամանակներումըս շատ ասացին և խօսեցին Պարսկաստանի վերայ, լրագրութեան մէջ մի քանի յօդուածներ տպուեցան, որոնք ունէին նպատակ մատնացոյց լինելու այդ արդաւանդ երկրի վերքերի վերայ և բազումք ես մի փառաւոր և մեծ յեղափոխութիւն գուշակեցին ներկայ Վահագնի օրով: Շահի Ռէյտերի հետ կապած զաջնադրութիւնն իւր տարտայայտան զի-

ջողութիւններով յապուշ է կրթել բոլորին, գրեթէ Պարսկաստանի բոլոր հարստութիւնն, երկրի ներքոյ մթնբուած դանձերն, Ռէյտերի ձեռքն էին անցել. այդ պատճառաւ է, որ պ. Ռէյտերը մեծամեծ գումարներ է ծախս անում տաճառապատիկն ու բերապատիկն ստանալու, բայց իւր յոյսերն չքաղան և անշուշտ չքանալու չէին, եթէ միայն Բրիտանիան տէրութիւնն յօժարէր նպաստել և պաշտպանել իւր հպատակին: Տեսնենք թէ որքան է յաջողելու նոր դաշնագրութիւնն, որ Շահն հաստատել է մի Ռուս ընկերութեան հետ Թաւրիզից Զուլֆա երկաթուղւոյ շինութեան համար, այդ երկաթուղին անշուշտ պիտի փերականդնէ Թաւրիզու յաջող և անաղին վաճառականութիւնն, որ այժմ անկած է:

Որեւիցէ մի ձեռնարկութիւն, որ երկրին բարօրութիւն ընձեռելու նպատակաւ չէ սկսվում, այդ բոլ շահագիտական պատճառով, անշուշտ անելի վնասներ կ'արտադրէ քան օգուսներ: Շուտով կիմանանք թէ որ նպատակաւ Պարսկական տէրութիւնը կ'ընքել է այդ դաշնագրութիւնը, բայց դառնանք մեր նպատակին:

**Բ.**

Չը նայելով, որ ես յոյով անգամ խօսել եմ Թաւրիզու և նորա Հայ հասարակութեան վե-

բայ, սակայն թողնելով այդ քաղաքը, ես դարձեալ ունայէտս չեմ համարում մի քանի խօսք ասել(\*):

Հետազօտելով պատմութիւնն, մենք կրտեսնենք, որ այդ անուանի քաղաքը յաճակակի բազմաթիւ նշանաւոր դիպուածոց և սոսկալի արիւնհեղութեանց տեսարան է հանդիսացել: Պարսիկք, Արաբացիք, Սելճուղեանք, Օսմանցիք հետզհետէ ընդ բռամբ անելով այդ քաղաքը՝ կողոպտեցին, աներեցին, հարստահարեցին, բայց նա իւր յաջողակ դրից և շրջակայից արգասաւէտութեան շնորհիւ դարձեալ վերականգնեցաւ և ընդդիմանալով մեծ և սաս-

(\*) Ես պատրաստում եմ թէ Ատրպատականի եւ թէ Պարսկաստանի Հայոց ընդհանուր վիճակագրութիւնը: Երբ աղգայինք դիտեն թէ որքան պակասութիւն է զգում մեր գրականութիւնը մի այդպիսի հրատարակութեան, ուստի եւ երբ վերջացնեմ եւ յաղթեմ գանազան անյաջող հանգամանաց, որոց եւ հանդիպեցայ այդ ասպարիզի մէջ, կը փութամ ի յոյ ընծայել Տոխ տեղեկութեամբ Պարսկաստանի Հայոց, նոցա կենաց, վաբուց, եկեղեցեաց, քահանայից, ուսումնարանաց, հին երեւելի անձանց եւ այլոց փերայ: Այդ գործն յաջող տանելու մէջ ինձ մեծապէս օգնեց Անդրէաս Սրբազանն, հրամայելով իմ խնդրանօք մի նոր եւ ստորդ վիճակագրութիւն կազմել. իսկ Գրիգորիս Սրբազանն Սպահանու յատուկ նամակաւ խոստացել է ինձ մեծ եւ շատ կարեւոր տեղեկութիւնք վիճակագրականք եւ պարմացիք Պարսկաստանի Հայոց վերայ:

տիկ մրրիկները իւր գլուխն բարձրացրեց, մինչ անգամ թագաւորանիստ քաղաք լինելով: Պատմական քննադատութեան բովից դեռ չէ անցել և դտուել այն խնդիրը, թէ ո՞վ է այդ քաղաքի բուն հիմնադիրն: Մեր Հայ պատմութիւնից յայտնի է, որ Խոսրով Ա. նորոգութիւնք արաւ այդ քաղաքի մէջ ի նշան այն յաղթանակին, որ արել էր Պարսից Արտաշէր թագաւորի վերայ, միւս կողմից Պարսիկ և Արաբ մատենադիրք վիճում են, որ այդ քաղաքըն Հարուն ալ Ռաշիդ խալիֆայի կինն է կառուցել: Աթէ ընդունենք ուրեմն որ Թաւրիզ շատ հին քաղաք է եղել և ի հնումն հաշակված իրրև կրակապաշտութեան գլխաւոր վայր, ինչպէս ոմանք պատմադիրք կ'աւանդեն, ապա ուրեմն ստուգութեամբ կարելի է ասել, որ այժմեան Թաւրիզի կառուցանողն խալիֆայի կինն է եղել, մանաւանդ, որ հին քաղաքի հետքերն դեռ մինչ այսօր երևում են այժմեան Թաւրիզից շատ հեռու դէպի Քրդստանի կողմերը, որոնց աւընթեր գտանվում են և սեպածե արձանագրութիւնք: Քրդստանի մէջ մոխրաղէզ բլուրների վերայ մոխրով լի սափորներ գտանելն մի ուրիշ ապացոյց է կրակապաշտութեան:

Բայց մարդկային աւերմունքից, նոյնպէս բնութեան արհաւիրքներ—սարսափելի երկրա-

շարժներ-քանիցս հիմն ի վեր տապալել են այդ քաղաքը. մանաւանդ անուանի է այն երկրաշարժըն, որոյ նկարագիրն թողել է մեզ Առաքել Վարդապետ Պատմադիրն: Քաղաքն գրեթէ համայնապէս ջնջուեցաւ, աւերակները մինչ այսօր յայտնի են Շամղաղան կոչուած դիւղը, քաղաքի առաջին տեղը:

Աւանդութիւնն ասում է, որ Թաւրիզոյ տեղըն առաջ ծով էր և մօտը մի հրաբուրխ լեռու կար. անշուշտ ակնարկում են Մարաղայու կամ Ումիոյ ծովակն, որ գուցէ քաշուելով հեռացել է, և որ այժմ Թաւրիզից երկու աւուր ճանապարհաւ հեռի է. իսկ հրաբուրխ սարը այժմ ևս նշմարվում է, բայց ի վաղուց մարած է:

Մի քանի խօսք և Հսցերի մասին:

Ինչպէս ամեն հայաբնակ քաղաքում, նոյնպէս և այստեղ տիրապետում են երկու հակառակ կուսակցութիւնք — Ղարաղաղցիներ և Թաւրիզեցիներ: Այս երկու կուսակցութեանց մէջ թագաւորում է նախանձ. Թաւրիզեցիք չեն կարողանում տանել, որ Ղարաղաղցիք, որոնք 20—30 տարի յառաջ իրենց խոհանոցի կեդտոտ ջրերով գլուխնին լուսնում էին (այսպէս են կոչում նորանց), այժմ իրենցից հարստանալով ՚ի ծառայութենէ ՚ի մեծութիւն են հասել:

Եւ իրօք Ղարաղաղցիք իւրեանց սեպհական  
 ժրջանութեամբ 20—30 տարի յառաջ գալով  
 Թաւրիզ սկսել են նախ մի չնչին ռոճիկով և  
 մինչև անգամ ճրիարար ծառայիլ տեղացի եւ  
 օտարաքաղաքացի Հայերին, և յանկարծ կարճ  
 միջոցում հարստութեան հասել:

Այն որ մի քանի տարիներ յառաջ ստա-  
 նում էր Յ կամ A ուրբ. այժմ քսան, երեսուն  
 և մինչև անգամ ութսուն հազարներով է խօ-  
 սում, իսկ Թաւրիզեցիներն միշտ պինդ պահե-  
 լով իւրեանց նախաւանդ գինեկաճառութիւնն,  
 հիւսնութիւնն և սակերչութիւնը, բնաւ չեն աչ-  
 խատել մի այլ նոր կեանք ընտրել եւ յա-  
 ուջադիմութիւնք դործել, ուստի և շուտով  
 ենթարկուել են առաջնոց ազդեցութեան: Բայց  
 ինչ անես, որ չար լեզուները զանազան չար  
 բաներ են խօսում այդ հարստութեանց վերայ:  
 միւս կողմից մեր շօշափած և տեսած հանգա-  
 մանքներն ստիպում են մեզ հաւատալ այդ  
 չար լեզուներին: Հաւատալով այդ չար լեզու-  
 ներին այն ժամանակ պէտք է ասել, որ այդ  
 հարստութիւնքն անազնիւ և խաբերայական  
 միջոցներով են ձեռք բերուած: Ղարաղաղցիք  
 շարունակ նկրտելով հասանել իւրեանց ցանկա-  
 ցեալ նպատակին—հարստութիւնք գիղելու-  
 թոյլատրում են իրենց այդ մասին ամեն ան-  
 ներելի միջոցներ գործ դնել, անխիղճ տոկո-

սիքով ծծել պարտապանների արիւնն, կեղծ  
 տեսութիւններ շինել, ըստ որում նոքա այն կար-  
 ծիքն ունին թէ վաճառականութիւնն նոյն իսկ  
 խարերայութիւն է. այս խօսքն ես լսել եմ նո-  
 ցանէ մէկի բերանից, որ դու պարծենում էր  
 թէ Մոսկով ուսում է առել... Այս տխուր և  
 յետոյն պատահում է ամեն տղէտ հասարա-  
 կութեան մէջ, որոյ անդամները դուն են զոր-  
 ծում միայն իւրեանց սեպհական օգուտն  
 սպահովացնելու. նոցա հոգն չէ, եթէ հասար-  
 ակութիւնն կը վնասուի, նոքա սահմանա-  
 վիակում են իւրեանց անձնական օգուտով,  
 ուստի և դորանցից յառաջ է գալիս ցանկու-  
 թիւն — օտարներէց խել, յափշտակել եւ  
 իւրեանց սեպհականացնել: Այս ցաւալի իրո-  
 զութիւնը միայն այն ժամանակ կ'ամերկուեա-  
 նայ, երբ իւրաքանչիւր մարդ մտածեց, հաս-  
 կացաւ, որ պարտաւոր է փոքր էլ յօգուտ  
 հասարակութեան գործել, երբ ըմբռնեց այն  
 միտքն թէ հասարակութեան կորուստն և ան-  
 հասանելի կորուստն է: Մենք չենք ուզում աս-  
 ակ թէ այդ վատ երևոյթն տիրացնում է  
 միայն Ղարաղաղցոց մէջ, ոչ. անազնիւ մի-  
 ջոցներով հարստութիւն գիղելը սովորութիւն է  
 դառել շատ քաղաքների Հայ հասարակու-  
 թեանց մէջ, բայց բանն այն է, որ պ. պ.  
 Ղարաղաղցիքն առանց ամաչելու սարձնում

են, որ յետին աստիճան չքաւորութիւն ից այն-  
քան ճոխութեան են հասել. բայց թէ մինչ  
այդ ճոխութեան հասանելն որքան ընտանեաց  
աւարաբազդութեան պատճառ են եղել, այդ  
զիտէ, ով որ մի փոքր ժամանակ ընակուել է  
նոցա մէջ:

Նոյն իսկ պանդուխտ օտարաքաղաքացի  
Հայերի մասին մենք չենք կարող ոչ մի ուրա-  
խալի լուր աւետել (մեր խօսքն աննշան բա-  
ցառութեանց վերայ չէ): Դոցա մէջ նոյնպէս  
տիրապետում է ցանկութիւն միմեանց մեա-  
սելու, մատնելու, միմեանց մէջ անմիաբան  
դտանուելու. վերջին ժամանակների պատա-  
հած անցքերը բաւական են այդ իրողութիւն-  
քըն շօշափելի կացուցանելու: Եւ որ առա-  
ւել ցաւալին է, մեր Թաւրիզաբնակ եղբայր-  
ները ծանօթանալով մի քանի Նւրոպացի կոչ  
ված անձանց հետ, կազմակերպութեամբ հե-  
տևում են նոցա վատ սովորութեանց, մեասա-  
կար ձևերին, և դորանով իւրեանց լուսաւո-  
րեալ են համարում..... Ջարմանալի լուսաւո-  
րութիւն: Հողը մեր գլխին, կթէ մի քանի ա-  
սիական Յոյներից պէտք է մենք մարդավա-  
րութիւն սովորենք: Ի հարկէ այդպիսի հան-  
գամանքները միշտ անբարոյականութիւն կարող  
են ստարածել մի հասարակութեան մէջ, որ  
զեռ պատած է սովորութեան աղջամղջով:

ուստի և ընդունակ շուտով իւրացնելու լու-  
սաւորութեան վատ կողմերն: Խօսքս այդ Նւ-  
րոպացի կոչուած անձանց հայուհիներից ան-  
պուակ կին պահելու վրայ է: Թաւրիզեցոյ մէջ  
քիչ կան այնպիսի ընտանիք, որոց մի անդամն  
այդպիսի ապօրինութեան մէջ մտած չը  
լինի, թէև կան այնպիսի ակամախներ, որք ու-  
րախանում են, թէ այդ Յոյների բերած դա-  
ւակներն Հայոց եկեղեցում են կնքվում: Հայ-  
ութիւնը կարօտ չէ այդպիսի ապօրինաւոր  
զաւակների, շաւ է լինիլ չՀայ քան թերի  
Հայ:

Ես յուսով եմ, որ Սրբազան Անդրէաս, ինչ-  
պէս ինքն ևս քանիցս մեզ հետ տխրել է այդ  
տխուր երևոյթի մասին, հարկաւոր եղած հը-  
նարներն գործ կը դնէ այդպիսի խանդարիչ  
անբարոյականութեան առաջն առնելու: Բա-  
ւական է որքան մեր մէջ անհարազատ դա-  
ւակներ ունինք:

Բայց դառնանք մեր ուղեորութեան:

Գ.

Օրն կիւրակէ էր: Կարծես երկինքն իւր  
պայծառութեամբ հրձվում էր Եկեղեցոյ հետ,  
որ իւր քահանայական դատով պարտուեալ տօ-



նախմբում էր այդ օր Հոգւոյն սրբոյ ՚ի վերահաստուն իջնելն և առաքելոց հրեղէն լիզուներ բաշխելն: Օգն զեղեցիկ էր և աւետում էր մի ամառային զով եղանակ: Ես շուտով հագուեցայ, մի կարճ՝ բայց և օտանգուն աղօթք ուղղեցի զէպի այն Գերագոյն Էակն, որ տառապելոց յոյսն է և նեղիւոց սփոխիչն և ողջագուրելով մօրս և քոյրերիս շուտով աշտանակեցի յերկվար սրտիս յուզմունքը ծածկելու համար: Բարէ, ինչ տխրալի վայրկեան է կեանքի մէջ, երբ մարդ առաջին անգամ անջատվում է մօրից և սիրելիներից. ով որ ունի կամ ունեցել է մայր, զիտէ, որ ոչ մի սէր այնքան զօրեղ չէ որքան մայրական սէրն, նոյնպէս և ոչ մի վերջ կարող է հաւասարիլ մայրական վշտին, մօր աչքը միշտ հսկում, մտածում, նոյն իսկ հեռուից չէ դադարում հովանաւորել մտքով իւր որդուն և մինչդեռ որդին գուցէ մտապած է իւր մօր վշտերը, մայրը յար և անդադար իւր որդւոյ երջանկութեան համար է ճգնում: Նուիրակին և սրբազան սէր, որոյ արժէքն շատ անդամ չեն հասկանում որդիները: Արքան տանջանք է մի գորովայից մօր համար մտածել, որ գուցէ այլ ևս չէ տեսնելու իւր որդւոյ երկան, այդ բուռն կրօնկիծն կարելի է անմիջապէս կարգալ ամեն մօր զէմքի վերայ: Կան վայրկեաններ, ուր լուս

թիւնն ամեն հոռտորական խօսքերից ազդու և զօրեղ է, կան կսկիծներ, որ միայն լուսութեամբ կարելի է տանել, ուստի և շուտով չքացայ մօրս աչքից և ապա մտածմանց անդնդի մէջ ընկղմեցայ. միտքս պաշարուել էր մի տխուր ապագայով և կարծես միայն կամենում էր անցեալի մէջ մխիթարութիւն որոնել. յուսոյ ճառագայթը դեռ չէր թափանցել իմ սրտի մէջ և դեռ վատեցուցիչ խորհրդածութիւնք ելեէջ էին առնում իմ զլիտի մէջ, երբ զգացի, որ դաշտերի առաւօտեան զով քամին փչեց երեսիս:

Արեգակն դեռ նոր էր բարձրանում հորիզոնից և իւր ճառագայթների նշոյլներն արձակելով դայարագեղ մարդերի և դաշտային ծաղիկների վերայ կարծես խաղում էր ոստոստելով և դաշտերին աւելի զեղեցկութիւն և նշողագարդ փայլունութիւն էր ընձեռում. եղանակն մեղմ էր և զովասուն. թռչնոց դայայլիկն, երկնեւրանդ վայրի ծաղկանց աստ անդ ծածանելը ցորենի կանաչ հասկերի մէջ, ծառերի մեղմ սօսաւիւնը և Աղի գետի խոխոջը սթափեցին ինձ իմ մտածմունքից, գուշսս վեր բարձրացնելով ինձ քաղաքից դուրս գտայ և ծծելով զովասուն օդն ու զմայելով ընութեան գեղեցկութեամբ, ևս մխիթարուեցայ և յուսոյ ճառագայթներն թափանցեցին իմ հոգւոյ մէջ,

իրբն ցողի կաթիլներ անապատի մէջ ծարաւ-  
 եայլն: Գէմքս՝ որ առաջ տխրած էր եւ  
 խորհուն, դարձաւ ծիծաղուն և զուարթ, ուստի  
 և առիթ ունեցայ նկատելու, որ Աճի (չա-  
 ուրն) գետի երկու եզրներն ևս մշակուած էին:  
 Փոքր ինչ յետոյ հասանք կամուրջը: Այստե-  
 ղից մինչի Սոփիան ճանապարհն գրեթէ բոլորն  
 հարթ և տափարակ է. ճանապարհի երկու  
 կողմն էլ ընդարձակ և պարարտաւէտ դաշտեր  
 են ընկած, բայց առհասարակ վատ կերպիւ են  
 մշակուած, ճանապարհի եղերքին տեղ տեղ  
 կարմիր, դեղին ծաղիկներ խառնուելով կանաչ  
 խոտի հետ մի սիրուն տեսարան էին ներկա-  
 յացնում: Այսպէս զմայելով ընթանալով գե-  
 ղեցիւթեամբ, մենք հասանք Սնդ գետին կամ  
 Սնդղ Քորիկին (կոտրուած կամուրջ), որ կէս  
 ճանապարհն է Թաւրիզից Սոփիան: Ճանա-  
 պարհն, որ տանում է Սնդից մինչ ի Սոփիան  
 — առաջին իջանատունն, հարթ և տափա-  
 րակ է, երկու կողմիցը ընդարձակ, արգաւանդ  
 և լաւ մշակած արտեր և միմեանցից փոքր  
 անջրպետով մի քանի զուղեր:

Ով որ մի քանի տարի մնացել է Պարսկաս-  
 տանում, զիտէ թէ այս երկէրը մանաւանդ  
 Ատրպատական դաւառը որ աստիճան պողա-  
 բեր և պարարտաւէտ է: Ի բայց առեալ այն  
 հանքային գանձերն, որոնք երկրի ծոցում

թաղուած են: մնացել կառավարութեան անհո-  
 գութեան չնորհիւ, միայն Ատրպատական դա-  
 ւառներն բաւական են բոլոր Պարսկաստանի  
 ժողովուրդը կերակրելու: Գուցէ չափազանցու-  
 թիւն թուի այս. բայց ինչ և իցէ շոշափելի  
 իրականութիւն է: Միայն խնդիրն այնտեղ է  
 թէ ինչու մի այդպիսի հարուստ և բերրի երկ-  
 րի ժողովուրդն այնքան խղճալի և աղքատ  
 դրութեան է ենթարկուած: Այս զարմանալի  
 հակասութիւնը բացատրելու համար հարկաւոր  
 է փոքր ինչ շեղիլ մեր նպատակից:

Առ հասարակ մահմետական թաղաւորնե-  
 րըն իւրեանց ժողովրդոց հետ կարող են վար-  
 վել բացարձակ և անսահման իշխանութեամբ:  
 Անհատների և քաղաքների վիճակը կախ է  
 Շահի բերանից դուրս եկած մի խօսքից: Այս  
 ինչ կառավարիչն որքան որ աշխարհաչէն եւ  
 արդար անձն է, բայց եթէ մի փոքր քանի  
 մէջ անհաճոյ գտանուեցաւ Շահին՝ պաշտօնից  
 կը զրկուի, հարստութիւնը կը զրուակի յարջու-  
 նիս, ոտքերը կը շղթայուին և աչքից կընկնի:  
 Սակայն մի ուրիշ կառավարիչ անիրաւ, ան-  
 դութ, անարդար է, ժողովուրդը հարստահա-  
 րում և կողոպտում է, հասարակութիւնը բո-  
 ղոք է բառնում, բայց կառավարիչը մի քա-  
 նի հազար թումանով (որ դարձեալ ժողովուր-  
 դն է վճարում) հաճոյանում է Շահին և իւր

պաշտօնի մէջ յարատեւում, այնուհետև ժողովուրդը այլ ուրիշ ճար չունի, եթէ ոչ ծածուկ փախուստ առնել թողլով իւր դաշտերը, տունը, բնակութիւնն և հայրենիքն և գաղթել ուրիշ երկիր, և եթէ փախուստն ևս չը յաջողեց, ինչպէս լինում է շատ անգամ, այն ժամանակ վայ է նրան և կրճտել ատամանց:

Գիւղացին այն, որ ունի մի զոյգ լծելու եզ և մշակում է հող — շատ անգամ ծանր տոկոսիքով փոխ աւած սերմը ցանում է, զիչեր ու ցերեկ անդադար առ Աստուած կարդում որ Աստուած երկնից դռները բանայ և անձրև տայ, որպէս զի հողն իւր հարկը տայ և նա կարողանայ կերակրել իւր ընտանիքը, վճարել թագաւորական հարկը, գիւղատիրոջ հարկը՝ գիւղատիրոջ ծառաները կերակրել, չգիւղի մօլլային հողեր տուրքը վճարել, ձմեռուան կերակուր և ուտեստ պատրաստել և այլն: Աստուած լսում է շինականի աղերսին, երկինքն առատութեամբ թափում է անձրև, հողն ևս իւր կողմից չէ զլանում պողաբերիլ — բայց նորանոր պահանջմունքը ծանրանում են խեղճ գիւղացւոյ վերայ — հարկաւոր է փոխ առած սերմի կրկնապատիկը վճարել, որովհետև այն ժամանակ որ փոխատուն սերմ էր տալիս, ցորենը խիստ թանգ էր, այժմեան գին կըրկնապատիկն էր, հարկաւոր է մի քանի օր թո-

ղուլ իւր հունձն և դնալ ձրիաբար հնձել ալլի (տիրոջ) արտերը, հարկաւոր է տէրութեան կողմից եկած հարկապահանջին ամենայն կերպով պատուել, ամեն ընթրիքի վրա և դառան միս ուտացնել, գիւղատիրոջ ձիաները կերակրել և այլ անհամար պահանջմանց բաւականութիւն տալ: Այսպէս գիւղացին այս տարի ևս չէ կարողանում վճարել իւր պարտքը — տոկոսները զիղլում են, պարտատեւան պահանջը հետ դնտէ սաստկանում է, և եթէ Աստուած բարկացաւ ու պատուհասներ ուղարկեց գիւղի վերայ, անձրև չեկաւ, կարկուտ տեղայ, աւաղակները թափուեցան, տէրութեան կողմից մի նոր հարկ, օրինակ զինուորական հարկն, աւելացաւ, այն ժամանակ Աստուած հեռու անէ, այլ ևս անպատմելի են խեղճ գիւղի ցաւերը:

Մի ուրիշ դժբաղդութիւն էլ, որ ժողովրդեան աղքատութեան եթէ ոչ բուն, դոնէ զլսաւոր պատճառն՝ նահանգների կառավարութիւնը կապալով տալն է:

Նահանգների կառավարութեան համար չեն որոնվում արդար, աշխարհաչէն, բնդունակ, ժրաջան, ուսեալ ու կրթեալ անձինք, այլ միայն նկատվում է փողի շատութիւնը: Թէև այդ գումարը կառավարչի կողմից տրվում է իբրև ընծայ, բայց այդու ամենայնիւ չէ կա-

րելի հերքել, որ այդ աճրդախօսութիւն է, որովհետեւ եթէ դուրս եկաւ մի ընչաւէտ իշխան կամ սոսկ աղնուական, որ ընծայն փոքր ինչ աւելացրեց, նա անմիջապէս կը նշանակուի կառավարիչ: Այսպէս՝ երբ նորընտիր կառավարիչը վերջացնում է իւր սակարկութիւնն և մտնում է իւր պաշտօնի մէջ, նա ինքն անգամ չը դիտէ թէ քանի օր, քանի ամիս կամ քանի տարի կարող է իւր պաշտօնի մէջ մնալ, բոլորն կախուած է ընծայի քանակութիւնից: Նոյն իսկ այն բոպէին, որ կառավարիչը խրոխտաբար հրամայում է, և իւր իշխանական աթոռի վերայ բազմած զանազան կարգադրութիւնք է անում, վճիռներ է տալիս և յուսով է, որ մի քանի տարի կարող է շարունակել իւր պաշտօնը, մտադիր լինելով բարւոքել ժողովրդի թշուառ դրութիւնը, վերջ տալ բռնաւոր խաների կամ աղաների հարստահարութեանց—նոյն իսկ այն բոպէին—կըրկնում ենք — անա յանկարծ կը ստանայ մի հեռագիր, որ իւր պաշտօնից ձգուել է: Շատ անգամ պատահում է, որ իրօք կառավարիչը դիտուն և խելօք մարդ լինելով կամենում է մի քանի բարեկարգութիւնք անել, ամօքել ժողովրդի ցաւերը, բայց ասպահով չը լինելով թէ արդեօք յարատեւու է մի քանի տարի իւր պաշտօնի մէջ կամ իւր յաջորդն չարու-

5109-68  
101

նակուել է յառաջ տանել իւր ձեռնարկութիւնքը, նա՛ չընայելով իւր բոլոր ցանկութեանց անկարանում է որ և իցէ մի բան անելու:

Քուրդստանի դաւառում ժողովրդի ապրուստի միակ միջոցն երկրագործութիւնն է. ուստի խեղճ Քուրդը աչքը սնկում է թէ երբ ցորենի վինը փոքր ՚ի շատէ պիտի բարձրանայ, որ կարողանայ մի բան վաստակել. բայց այդ ևս չէ յաջողում իրեն. անդուժ վաշխաւուռներն շատ արժան գնով իրենց պարտք տուած գումարի սեղ առաջուց ցորենի սակարկութիւնն են անում զիւղացուց հետ, և երբ ցորենն ժողովում են և ամբարանոցներն լցնում, այն ժամանակ սկսում են զինը բարձրացնել. այդ միջոցին զիւղացին իւր ունեցած ցորենն ձմեռն ուտում է է իւր ընտանեաց հետ և երբ ժամանում է գարունն, նա չունի սերմ, ուստի ստիպուած է զիմել ամբարատէրերին և նուցանից փոխ առնուլ մէկի եռապատիկը կամ զուցէ քառապատիկը վճարելու թէութեամբ կալի ժամանակ:

Գարձեալ եթէ մի զուցէ չըջակայքում յայտնուեցաւ յուղկահարների մի գրոհ և որ և իցէ մի անցորդ կամ կարավան (եթէ միայն հարուստ են) կողոպտուեց, զիւզն պարտաւոր է սուժել մնան. միայն այս ևս պիտոյ է ստել, որ թէ և երբևից ևս աւաղակներն նոյն իսկ զիւ-



դի բնակիչքն են լինում, և այդ կարգն այդ պատճառաւ է հաստատուած, բայց սակայն բարձրից ստատահում է, որ վիւղի բնակիչք ամենեւին տեղեկութիւնս ևս չեն ունենում: Շատ անգամ էլ լսում են, որ լեռնաբնակ կամ վրանաբնակ Եւրոպական մի հրոսակ հորդան է տալիս մի ամբողջ գիւղի վերայ և կողոպտում: Թաւրէշ կղամ ժամանակ, դարձեալ Սպահանու կողմերից սկսել էր Հայոց գիւղերի գաղթականութիւնն. երբ պատճառն հարցիլ, ինձ պատասխանեցին, որ Բախթիարի և Լորի աւազակ հրոսակաց ձեռքից են փախչում, դի որ ցերեկով յանկարծ տեսնում են 30 — 40 հոգի թափեցան գիւղի վերայ, էշ, ձի, եղ, կով եւ ոչխար առջեւ ձգելով սկսեցին տանել, վայ այն գիւղացուն, որ համարձակեցաւ ընդդիմանալ, անմիջապէս սրոյ բերանին կըտան, կառաւարութիւնն թէ և ցանկանում է արգելել այդ հրոսակների ասպատակութիւնքն, բայց շատ անգամ և զուցէ միշտ իւր զօրքերն կոր ՚ի գլուխ յետ են դառնում յաղթուած:

Նոյնպէս ճանապարհի վատութիւնն, անհարթութիւնն մեծապէս վնասում են բնակչաց բարեկեցութեան. յաւելացրու և երկրւոյն աւազակներից. շատ բան գիւղացին կօրցնում է՝ ի զօր տեղ մինչդեռ և թէ ճանապարհներն անվտանգ և հեշտանց լինելն, կարող էր բերել

մայրաքաղաքն և ծախելու վերջին ժամանակներս ձայն տարածուեցաւ որպէս թէ տէրութիւնն ընդ փոյթ կը ձեռնարկէ խճուղիներ շինելու:

Բայց այդ խոստումը դեռ կատարում չը ստացաւ և անհնարին է, քանի որ պետական անձինք ամեն մի փոքր ձեռնարկութեան մէջ միշտ անձնական շահ են որոնում: 1873-ին, երբ Շահն կամենում էր Եւրոպա այց ելանել, մի քանի ամիս յառաջ՝ այն է 1872-ի ամառն 22,000 թմն. փող է ուղարկում: (\*) Բաշթի կուսակալ իւր հօրեղբօրն, որ ճանապարհներն շինել և լաւ մաքրել տայ, որպէս դի կառքերն կարողանան անցուղարձ անել: Կուսակալը առանց ուշադրութիւն դարձնելու իւր դրպանն է ձգում այդ գումարն, յոյս ունենալով որ հոգեորականք յետ կը կանգնեցնեն Շահին իւր դիտաւորութիւնից: Բայց յանկարծ ձմեռն հրաման է դալիս, որ անա Շահն ուղում է դուրս գալ իւր մայրաքաղաքից: Կուսակալն խռոված անմիջապէս մի քանի հազար գիւղացի հաւաքում և այն ձմեռն նոր սկսում ճանապարհըն շինել տալ. միւս կողմից շուտով մի երկու հազար թուաման է հաւաքում ժողովրդից և ընծայ ուղարկելով իւր վեհափառ հօրեղբօրն՝

(\*) Revue des Deux Mondes, 1875 Mars-

աղերսում է ժողովրդեան կողմից, որ յետ կենաց իւր դիտաւորութիւնից, ըստ որում ժողորուրդն չքաւոր գոլով անկարող է ամեն պատուով և շքեղութեամբ ընդունել զիւր վեհապետն: Շահն ընդունելով ընծայն, այդու ամենայնիւ ճանապարհ է ընկնում և ի հարկէ Բաշթ հասանելով յետ է առնում իւր փողերն և կուսակալն էլ ձգվում է իւր պաշտօնից...

Մօտ առաւօտեան ժամը 10-ին հասանք Սոֆիան, ուր գտանջում է սուրհանդակատան առաջին կայարանը: Սա բաւականին մի մեծ զիւղ է, և ըստ ասութեան ընակչաց 50 տուն ունի, գեղեցիկ պողաւէտ, և մեծատարած այգիներով, կանաչազարդ մարգագետիններով և պարտաւէտ արտերով: Բնակիչք պարագում են ևրկրագործութեամբ, անասնապահութեամբ, բայց իբրև խորամանկ Պարսիկներ նոքա շատ լաւ գիտն օգուտ քաղել իջևանող օտարականները քսակից և եթէ նորեկը աչքաբաց չէ, անտեղեակ երկրի դրութեան, պէտք է ամեն բանի գնի կրկնապատիկն ու եռապատիկը վճարէ: Պարսիկը սովոր է միշտ արտաքին կերպարանքից և դրութիւնից դատել: Մտննք մի զիւղ եթէ պճնօրէն կամ վայելչապէս՝ մանաւանդ աւաֆրանկայ՝ հաղուած ես, քեզ մեծաւորի կերպարանք ես տալիս և ևրկվարդ տակիդ նազելով քայլում է, իրստ յարդալից ընդունելու-

թիւն կարող ես գտնել: Հաղիւ թէ շարժողութիւն արիւր իջանելու, ահա 3—4 հողիք շուտով կը վազեն, ձիիդ ասպանդակը կը բռնեն, իոր կերպիւ զուլս կիջեցնեն, կսկսեն հարցնել թէ ձեր մեծապատուութիւնը նեղութիւն չէ՞ քաշել ճանապարհին, և եթէ հարցրիր ումն է այս տունը կամ այգին, տէրն կը պատասխանէ քեզ ընծայ է, այս տունը քոնն է: Եթէ մի փոքրը մանուկ նշմարես և հարցնես ումն է, հայրըն կը պատասխանէ քո սորուկն է:

Պարսկաստանի մէջ ճանապարհորդողը պէտք է ամեն պարագայ իւր հետ ունենայ, մանաւանդ անկողին, խմելիք, թէյ, շաքար և այլն, եթէ ոչ շատ նեղութիւն կը քաշէ: Գիւղերի մէջ ուսեստ կարելի է գտնել միայն կաթնիղէն, միս և պտուղ, եթէ զիւղն ունի այգիներ: Շատ սնդամ ճանապարհորդն ստիպուած է լինում ախոռներում օթեանել, իսկ եթէ սուրհանդակատուն կամ քարվանսարայ կայ, աւելի լաւ է այդտեղ իջևանել: Երբ նստար մի սենեակում հանգստանալու, ահա կը տեսնես մի տղայ մի փունջ ծաղիկ քեզ համար ընծայ է բերել, մի պառաւ կին մի աման սեր կամ մածուն քեզ նէղլ (ուխտ) է արել, մի հովիւ լմի դառն է բերել քեզ համար մատաղ անելու, և սոցա ամենի համար անշուշտ ստիպուած ես վճարել առատօրէն, եթէ կամենում ես պահ-

պանել նոցա քեզ վերայ ունեցած կարծիքը: Բայց այս ևս պէտք է ՚ի նկատի ունենաս, որ այն դառը միայն ճաշին կը տեմնես, հագլիւ թէ զլուխը կտրեցին և աճա կհամախըմբ վնն ու քեզ մի մաս հանելուց յետ մնացեալն իրենք կը մաքրազարդեն: Եթէ որ և իցէ ուտելու մի բան ինդրեցիր. օրինակ՝ սեր, կարագ, մեղր և այլն, սովորաբար կը սկսեն ասել որ չը կայ, հաղութազուտ է և կը վերջացնեն խոտտանալով, որ ամեն հնար ՚ի գործ կը դնեն քեզ համար ճարելու, որպէս զի զինը շատ առնեն: Շատերն ևս քո առաջն իրենց մաքուր մուսուլման ցոյց կը տան և եթէ հրաւիրես մասնակցել ճաշին կամ թէխն, կը հրաժարին, բայց այդ հրաւերից օգուտ քաղելով կը ինդրեն, որ թոյլ տաս իրենց ձեռքով մի մաս ոչխարի կամ դառան մից կտրեն, կամ փոքր ինչ չաքար տաս զեղի դորձածութեան համար և այլ այսպիսի պատրուակներ...

Մենք իջանք քարվանսարայում, նախաճաշիկ արինք և պարիկեցինք փոքր ինչ հանդստանալու: Մեր նստած սենևակի լուսամտի դէմ յանդիման կապուտ հողով ծակծուած դմբեթի նման մի հիւղ կար և երբ հարցրինք ինչ լինելն, «Սփիանի փիրն» է ասացին: Գրեթէ ամեն մի զիւղում կը պատանես այդ փիրերինն կամ «Բամաների տներին» ուր պարսիկներն ուխտ են

դնում, ճրագ են վառում և ամեն մի դնացող մի քար է ձղում իմամի զերեղմանի վերայ, կրքեմն մի հրաշալի աւանդութիւն ևս կցուած է լինում այդ պիրիս հետ և դարմանալի զօրութիւններ են ընծայում նորան: Փիրն մի և նոյն նշանակութիւնն ունի, ինչ որ ունին Հայոց մէջ նահատակ կոչուած քարաղէղ ուխտատեղիքն:

Փոքր ինչ հանդստանալուց յետ մեք սկսեցինք դարձեալ չուել, որ զեռ չերեկոյացած Մարանդ հասանենք: Սփիանից դէպի Մարանդ երկու ճանապարհ կայ. առաջինն, որ կոչվում է Եամ, շատ հարթ զեղեցկագուարձ, երկներանդ ծաղիկներով, բարեհամազրբերներով և երգող թռչուններով լի է, բայց սորա հեռաւորութեան պատճառաւ երկրորդ ճանապարհն ընտրեցինք, որ աւելի կարճ է և մինչի կէսն նոյնպէս հարթ և տափարակ է: Շատ զմայելի տեսարան է ին ներկայացնում արտերն իրեանց դալարութիւնով հովը մեղմիկ դուրգուրելով լայնատարած արտերի վերայ վէտ վէտ ծիփանք էր յառաջայնում: Բուսարանի առաջն հետողտութեան մի լայն ասպարէզ կարող էին բառալ դաշտերն, որ բազմերանդ վայրի ծաղիկներով և բոյսերով լի էին:

Այսպէս դնացինք մինչի Շոր Գարա (ազգի ձոր) զիւղն: Այսպէս կոչուելոյ պատճառն այն

է, որ հողը ազատառն է, ջուրն նոյնպէս աղի բաղադրութիւն ունի և մի անհաճոյ համ: Այստեղից ճանապարհն սկսում է ծումուռել, զառի վայրներ, խորտուրորտ շաւիղներ, խոր ձորեր, ուր երբեմն պատահում են և աւազակութիւնք: Այդտեղ մենք հանդիպեցանք մի քանի խեղճ մշակներէ՝ որք մի ժամ յառաջ կողոպտուել էին աւազակներից՝ եղկելիքն դառն յուսահատութեան մէջ էին, որովհետև իւրեանց բաղմամեայ աշխատութեան վարձն մի բոսկեռում չբացել էր ի տարաբաղդութիւն իւրեանց հէզ ընտանեաց: Ի՞նչ կարող է անել խեղճ մըշակը, եթէ դիմէ իշխանութեան, զուցէ աւելի վնաս քան օգուտ ստանայ:

Մի քանի զարտուղի շաւիղներից անցնելով մենք հասանք մի բլրակի ստորոտը և բարձրանալով նորա գագաթի վերայ, մեր ականութեան ներկայացաւ ի բացուստ Մարանդ գիւղաքաղաքն մի տափարակ դաշտի մէջ: Գեռ երկու ժամուան ճանապարհ ունէինք. բլրից փոքր առ փոքր իջանելով մի դով աղբիւրի ջրից յագեցրինք մեր ծարաւն, որովհետև արեգակի ջերմութիւնը սկսել էր ներգործել մեր վերայ, և վերջապէս մտանք հարթ դաշտի մէջ և մեր առաջն բացուեցաւ կանաչադարձ արտերի մի երկար շարք: Արտորայքն գեղեցիկ և լաւ մշակուած էին և բերքի առատութիւնը

ցուցանում էր հողի արգաւանդութիւնը: Ժամը 3 1/2 ըստ Եւրոպացոց մտանք Մարանդ և դնացիներ իջեանելու սուրհանդակատան կայարանում:

Դ.

Հնութեան հետք է կրում այս գիւղաքաղաքը, և արդէն ժ.Գ դարում երևելի քաղաք էր. ինչպէս Գանձակիցի Կիրակոս պատմադիրն աւանդում է, որ մեծամեծ իշխանք Ջաքարէ սպասալարն և իւր եղբայր Իվանէն շատ զօրքով ղնալով Մարանդ քաղաքի վերայ առին զնա և աւերեցին շրջակայ դաւառները \*): Մարանդի այդ առումը պատահեց Ռուբինեան Լեւոնի թագաւորութեան ժամանակ:

Հայ պատմագիրքը աւանդելով, որ Նոյ նահապետի կինն այստեղ է թաղուած, Մարանդ բառն «Մայր անդ» բառի կրճատումն են համարում: Բայց թէ իրօք Նոյի կինն այստեղ մեռաւ և այստեղ թաղուեց, այդ լրողութիւնը զեռ կարօտ է պատմականապէս լուծուելու և ստուգուելու, թէև աւանդութիւնն, պատմութեան այս մտերիմ օգնականն, դարուց ի դար կտակել է դայն Հայերին և սոքա իւրեանց ժա.

\*) Կիրակոս էջ 107. տիպ. Մոսկուա 1858: ճառ. Դաւ. դէպի Եր. 2.



ռանգներին: Եւ իրօք թուրքերը այսօր իսկ ցոյց կը տան քեզ մի մղկիթ, որոյ միջումն կայ մի գերեզման, որ մեծ ուխտատեղի է, և այդ է — ինչպէս ասում են իրենք — Նոյ նահապետի կնոջ — Նոյեմզարի շիրիմն: Անշուշտ ժամանակաւ Մարանդ հայ քաղաք է եղել և եկեղեցիք է ունեցել, որոց տեղ այսօր բարձրանում են մղկիթներ: Փոքր ինչ հեռու քաղաքից թուրքերն ցոյց են տալիս մի մեծ սարակի վերայ նոյնպէս մի ուխտատեղի, որ դարձեալ ռի մ ա մ զ ա զ է՝ կամ օջախ անունն է կրում, ով գիտէ դուցէ Նոյի որդիքներից կամ թուռներից մինն է թաղուած այնտեղ:

Այժմեան Մարանդը մի գեղեցկադիրք գիւղական քաղաք է կամ այսպէս ասել մի մեծ գիւղ 1500 տուն բնակիչներով: Խոյ և Սալմաստ գաւառների հեռագրական զիծը այստեղից է բաժանուում Զուլֆայի հեռագրական գծից: Եթէ Թիֆլիսից մինչև Զուլֆայ և Թաւրէզ երկաթուղւոյ շինութիւնն յաջողուի, Մարանդ վաճառականական մեծ դեր կ'իսադայ իւր գեղեցիկ դրից շնորհիւ:

Պողաւէտ և ընդարձակ այգիներ չըջապատում են նորան, պտուղների մէջ մանաւանդ խաղողն անուանի է, հողն էլ բաւականին պարարտ և արգասանդ է:

Մարանդն ունէ իւր յատուկ շուկան, իւր արհեստականների դասը — կօշկակար, հիւսն, որմնադիր, դարբին և այլն. մեր Թուրք ուղեկիցների մինն մի զոյգ կօշիկ էր գնել երկու և կէս մանէթի, ճիշդ նոյնպիսի գործ, որ կարելի է գնել Երեւանում կամ Թիֆլիսում 4—5 մանէթով: Զարմանալի ընդունակութեան տէր են պարսիկք. Պարսիկ արհեստաւորը իւր յուր և անպիտան գործիքով, առանց նորագլուտ մեքենաների շինում է հեշտաեռ, վառարան, յար և նման եւրոպականին, ցոյց տուր նորան որ և իցէ իրեն անձանօթ եւրոպագործ մի շինուածք, նա մի քանի շաբաթից յետոյ մի և նոյն ձևով կը շինէ քեզ համար նորը:

Ի հարկէ եթէ տէրութիւնը հոգ տանէր բարւոքել արհեստաւորների դրութիւնը՝ հայթհայթելով նոցա միջոց կատարելագործելու իւրեանց արհեստն և օր ըստ օրէ ճօխայնելու իւրեանց տաղանդն, ու մատակարարէր նոցա եւրոպական մեքենայք, և մի քանի ուշիմ, հանճարեղ երիտասարդներ յղէր Եւրոպիոյ արուեստագործական դպրոցներն, որպէս զի անդ հրմտանալով արուեստադիտութեան՝ ՚ի վերադարձին իւրեանց հայրենիքը, ուսուցանէին և իւրենց հայրենակցաց. այն ժամանակ տէրութիւնըն ոչ թէ միայն նպաստած կը լինէր իւր երկրի նիւթական դրութեան, այլ և կարօտ չէր

լինի այնքան թանգ գնով արտասահմանից բերել տալ այն ամենն, ինչ որ իւր երկրի արհեստաւորները լաւ կարող էին ձեռակերպել, եթէ ունենան միջոց և դործիք: Փորձուած իրողութիւն է, որ Պարսիկն ընդունակ է մտաւորական վերին զարգացման, եթէ միայն իւր միտքն մշակելու համար ունենայ հարկաւոր նիւթեր և զարդացուցիչ առարկայք: Այս Պարսկաստանն, որ այժմ ամենայնտողէմ երկիրներից մինն է համարվում, կար ժամանակ, որ մի բարգաւաճ և լուսաւորեալ դրութեան մէջ էր: Խրոխտն Քսերքսէս, իւր նաւատորմիդով ծածկելով յունական ծովը երեսն, ընդունայն տեղ չէր պարծենում, նա ուէր կանոնաւոր և կրթեալ զօրք, նա տիրապէտում էր մի շատ փարթամ յողովրդեան, արուեստներն, վաճառականութիւնը, զիտութիւնքն(\*) ծաղկած էին

(\*) Թաւրէզ եղած ժամանակս իմ ձեռքս ընկաւ մի շատ մեծահատոր Պարսկերէն ձեռագիր. դա էր «Չէխիբէյի Խարազմ Շահի» կոչուած հուշակաւոր բժշկարանն, որ շատերն կորսուած էին համարում: Մի քանի թերթ կարդալով ես զարմանօք զիտեցի, որ անդամազննական եւ ֆիզիօթիսական գիտութիւնքն բաւականին ստուգութեամբ դրուած էին: Նոցա մէջ յամսի պատահած յոյն բռուրից երեւում էր, որ Խարազմ Շահն կամ թարգմանաբար

նորա երկրի մէջ, և դեռ մինչ այսօր Պարսիկները պնդում են, որ այժմեան հեռագրի գիւտըն ի հնումն դոյութիւն է ունեցել Պարսկաստանում, որ մի քանի դիտնականք բերել էին այն Եգիպտոսից: Այս մասին մի երկար պատմութիւն են յառաջ բերում և քանի մի հին ձեռագրներով կամենում են հաստատել իրենց ասածը: Ուրիշ ժամանակի թողով հաղորդեց մեր ընթերցողներին այդ պատմութիւնն, ևս կամենում եմ պատմել այստեղ մի հետաքրքիր իրողութիւն:

Մի օր մի Պարսիկ երիտասարդ ներկայանում է Ալի խան զօրապետին, որ այժմ Նայիբու վզարայէ Թաւրիզում, և ասում, որ ինքն գտած լինելով մի շատ օգտաւէտ գիւտ, կարօտում է կառավարութեան օգնութեան այդ գիւտի կատարելագործութեան և հասարակութեան ընծայելու համար: Ալի խան հետաքրքրուելով կամենում է փորձել այդ գիւտի զօրութիւնն: Երիտասարդն սկսեակի մէջ դը-

հաւարածոյ էր անել տուել հեղինական փիլիսոփայական գրքերից իւր ժամանակում ծաղկող հեղինակներին ձեռամբ, եւ կամ այդ գրքի հեղինակներն հմուտ լինելով յունական բառերին հետեւել են յոյն բժիշկների եւ առաւելաբար Հիպպոկրատի գրածոց:

նում է մի արկղ (որոյ մէջ ծածկուած է մեքենայն) և խնդրում է խանին իւր ծառաներից մէկին ուղարկել մի հեռու սենեակ. ապա երիտասարդը խանի ասած մի քանի խօսքերն հավորում է արկղի միջոցաւ սպասաւորին, և երբ վերջինս վերադառնալով այն հեռու սենեակից կրկնում է խօսքերն, խանն յապուշ է կրթվում: Ասել է թէ այդ արկղի միջոցաւ երկու հեռաւոր անձինք կարող են բանակցել, ի հարկէ այդ շատ նման է հեռագրական թիւին, բայց զանազանութիւնն այն է, որ բանակցութիւնն կատարվում է առանց թիւլի միջնորդութեան: Հնարիչ երիտասարդն 50,000 թուման է պահանջել Ղաւբէժից Թէհրան այդ բանակցութիւնըն հաստատելու համար:

Շատերը համակրել են, ոմանք խարդախութիւն համարելով անդոսնել են:

Բայց դառնանք զէպի Մարանդը:

Այդ գիւղաքաղաքի արհեստաւորներն բացի լաւ կօշկակարութիւնից զիտեն յօրինել և դանակ, որ Թաւրիզում շինուածներէից ընտիրն է: Բնակիչք պարսպում են գլխաւորապէս եօկրագործութեամբ, խաշնապահութեամբ, մեղուարուծութեամբ, այգեպանութեամբ և այլ մանր արհեստներով, իւ որովհետև պարսաւ արօտատեղիներ ունին, ուստի և այստեղի կաթը, պանիրը մանաւանդ սերն շատ ընտիր են:

Զմեռը սերը պահում են ամանների մէջ լըցրած և հողի տակ թաղած: Մանաւանդ զով աղբւրների անուշ և բարեհամ ջրերն և օդի առողջարարութիւնն ոչ սակաւ նպաստում են բնակիչների առողջութեան և կորովիութեան:

Թէև Մարանդ յիբրև գաւառական քաղաք հաշուելով ունի իւր կառավարիչ-իշխանը (Շահ-դադէ), բայց նորա արտաքին երևոյթն ոչնչով չէ զանազանվում հասարակ գիւղերից, Բնակիչների զգեստն նոյն յիսարի մորթուց կարած հաստ գտակն է, նոյն ուլխարի ըրդից մանած վարտիկը. կարճ բաճկոնակն ու տրեխները: Կանայք իրենց դրան առաջին կամ ցելա են շինում անասնոց աղբից և բոլորակներ կազմելով կայնում են պատերից այրելիքի համար և կամ իրենց ամուսինների հետ աշխատում են դաշտում: Հասակաւոր երեխայքն կամ դնում են Մզկիթ ախունդի մօտ կարդալու և կամ օգնում են իւրեանց հօր դաշտերում. իսկ փոքրահասակներն տկոր արևի կիզիչ ջերմութեան ներքոյ խաղում են հողերի մէջ թաւալուելով: Այսքան ևս կարողացայ նկատել Մարանդի մասին, որովհետև չափազանց յողմած և վարտակարեկ լինելով, մեր առաջին գործ եղաւ հանդատանալ մինչև թէյի պատրաստ լինելը:

Երբ պատրաստ եղաւ, մեզ հրաւիրեցին վեր-  
նասնենակը. արդէն մի բազմութիւն, որ առաւել  
թէյի հոտից քան մեզ ողջունելու նպատակաւ  
էր եկած, շարքով նստած էր: Թուրքերն հողի  
են տալիս թէյի համար, ինչպէս Օսմանցոց  
համար սուրճը նոյնպէս և Պարսիկների համար  
թէյը անհրաժեշտ ըմպելիք է դառել. մահաւանդ  
մեծամեծներն տանն, որն 5 — 6 անգամ կը  
խմեն, իսկ հասարակ ժողովուրդը շուկայում կը  
գնէ յատուկ թէյավաճառներից: Եւ որովհետեւ  
թէյն և շաքարն մերը լինելով նոցա համար ձրի  
էր, ուստի ամեն մի անձն մի պատրուակաւ  
ներս էր մտնում և թէյին մասնակցում:

Երեկոյեան ընթրիքն առեւտուց յետ. տանու-  
տէրն որպէս թէ կամենալով մեզ զուարճաց-  
նել հարցրեց մեզ. արդեօք կը ցանկայինք տես-  
նել մի շաքէհ (տեսարան): Մեր ստորասական  
պատասխանն վերայ, ներս մտաւ մի անձ զը-  
լուխը փաթաթած և ձեռքին մի տետրակ բըռ-  
նած: Նա նախ մի աղօթք անելով սկսեց եր-  
գել և ապա հեզնութեամբ կարդալ ու դարձեալ  
երգել: Այդ էր մի գրուած Պարսկական և  
Թուրք լեզուով խառն, որ ինչ խայտառակու-  
թիւնք, ինչ անամօթ, վրբ խօսքեր ասեա թա-  
փում էր Օմարի — իւրեանց Ալիի հակառա-  
կօրդի — գլխին: Արօնամուլութիւնն այնպիսի  
վրբ, անբարոյական և զազիր խօսքերի, սուս

և հնարած պատմութեան մէջ զուարճութիւն է  
որոնում, կարծելով թէ Օմարին անիծելով և  
խայտառակելով ուղղակի արբայութիւն կգնայ,  
ըստ որում դրախտի բարապանն Ալին է: Ողբա-  
լի կուրութիւնս.....

Ե.

Երկուշաբթի առաւօտ մինչդեռ երկչոտ արշա-  
ւոյսը դեռ նոր է բացում իւր կախարդիչ պա-  
լատի դռները արեգի առաջև, Մարանդ թողնք  
և ճիշդ հեռագրական գծի ուղղութեամբ ընթա-  
նալով դուրս եկանք դիւղից և մեր տեսու-  
թեան ներկայացաւ մի ընդարձակ հարթ, կա-  
նաչաղարդ տարածութիւն: Այդ է անս  
Մարանդի արտորայքը: Առաւօտեան զովա-  
սուն զեփիււուն փշելով միջոց էր տալիս մեզ  
թարմ և առողջ օդ շնչել, միւս կողմից թռչ-  
նոց ճռուողիլը, ընութեան գեղեցիկութիւնն, աշ-  
խատաւոր մշակի երգը հրաւիրում էին անցոր-  
դի ուշադրութիւնն և հեռացնում էին նորա-  
նից ամեն տխուր մտածմունք: Մինչի Բօյլուկ  
Դեւզ (մեծ դաշտ) կոչուած տեղն, ճանապարհն  
հարթ է և երկու կողմն ևս կանաչ, մշակուած  
և կամ վայրի կարմրերսնդ կակաչներով ծածկ-  
ված, որոնք փայլում են ի հեռուստ որպէս  
զմրուխտ: Երկու ժամ ընթանալէն զինի հա-

սանք Մեծ դաշտին: Սա մի ընդարձակ, հարթ և անապատ (անուշակ) տարածութիւն է, զուրկ ջրից 3 մղոն երկայնութեամբ: Այն ճանապարհի մէջ շինուած կայ մի աւերակ քարվանսաբայ, և շատ երկիրդայի է այդտեղ աւազակներէ պատճառաւ: Պարսկաստանի մէջ համարեա ամեն տեղ, աւազուտ անապատների և անշէն տարածութիւնների մէջ՝ կը հանդիպես այդ քարուկիր յորինած, գմբեթայարկ և ամուր քարվանսարաններին, սրոց հիմնադիրն է Շահաբաս Ա. թագաւորն, և ուր իջանում էին և իջանում են դեռ ուղևորներն կամ կարավաններն գիւղերի հեռաւորութիւնս պատճառաւ, մանաւանդ որ այն ժամանակ չը կային սուրհանդակատներ, և այդպէս ճանապարհորդները պատասպարվում էին բաց օդի երեսից այդ ընդարձակ սրահների մէջ:

Անշուշտ մեծամեծ ծախսեր է արել Շահաբաս, որովհետև մի անբնակ տեղ անապատի, խոր հովիտների մէջ կամ սարերի գլխի վերայ այդպիսի մեծ շինութեանց հարկաւոր նիւթերն — տաշած քարեր, եփած աղիւս, կիր, բուռ, վայտ և այլն, պէտք էր հեռաւոր տեղերից դրաստով բերել: Սրբ Շահաբասի մահուանից յետ Պարսկաստանը սկսաւ զանազան յեղափոխութիւնք կրել, բռնակալները շատացան, յարձակումներն, ասպատակութիւնքը բազմացան,

այն ժամանակ այդ քարվանսարաններն աւազակաց որջեր դառան: Շատ անգամ երբ մի ամբողջ կարաւան յոգնած և վաստակխոնջ ակնկալում էր այդ քարվանսարաններում հանգստութիւն գտանել, հաղիւ մօտենում էր և ասն աւազակներէ մի հոյլ դուրս դալով ներսից՝ թափվում էին կարաւանի վերայ, այնուհետև երկու կողմից սկսում էր արիւնահեղ կռիւ, մինչև որ մէկ կողմը յաղթում էր միւսին: Գամ քան զգամ ժամանակի աւերիչ ժանիքը, բռնակալ խմաների ասպատակութիւնքը, մանաւանդ տէրութեան անհոգութիւնը դէպի հնութեանց պահպանութիւնն՝ աւերեցին այդ օթեաններն, որոց շատերի տխուր որմերն և կէս գմբեթներն դեռ կանգուն են մնացել, և ուր երբեմն ուշացած կարավանը հանգստութիւն է որոնում: Այսպէս օր ըստ օրէ այդ որմերն ևս կործանւում են ճանապարհորդներն անցնում են և այ ինչ մեծ թագաւոր էր Շահաբաս՝ ասելով բաւականանում են, ու կառավարութիւնն էլ ամենևին հոգ չէ տանում աւերները վերանորոգելու: Պարսիկները զրթբաղդութիւն են համարում հնութեանց և աւերակաց ձեռք տալ. նոցա կարծիքով աւերակները կախարդիչ զօրութիւն ունին, գիշերները լսելի են լինում այդ աւերակների միջև հմայողները և դեերի ձայներ. ուստի և չեն

համարձակում մօտ գնալ: Այժմ հարկաւոր լինի մի նոր շինուածք կառուցանել, նոքա կը թողնեն այդ աւերակն և փոքր ինչ նորանից հեռու նորը կը շինեն. այդ է պատճառն, որ Պարսկաստանը լի է աւերակներով, և դուցէ աւերակները շինութիւններից շատ են... Մեր ասած քարվանսարայի որմերն դեռ անվնաս մընում էին, դրան և սննեակների պատերն կապուտ խեցիներով նախշուած էին, իբրև մինայ դրուակալ արծաթի վերայ, որ նոյնպէս նկատելի է պարսկական մզկիթներէ վերայ:

Այսպէս երկար ժամանակ քննուց յետ, թողինք մեր աջ կողմում Այրանտիպ գիւղն, ուր հաստատուած կայ սուրհանդակատուն, և մըտանք Գարաղիղ, որ մի խորտուբորտ, ապառաժոտ, հեղեղից խորացած ձոր է, և ժամը 11-ին ըստ Եւրոպացոց հասանք մի հանքային ջրի մօտ, ուր և իջանք նախաճաշիկ անելու:

Այդ ջուրը բոլորում է գեանի տակից և բաւականին տաք է, իսկ ձմեռը, ինչպէս հաւաստեցին մեզ յաճախողներն — եռում է: Արեղակն սկսել էր կիզիչ լինել, ամենափոքր հով անդամ չէր շարժում. մեր թուրք ընկերակիցները սկսան գովել այդ ջերմուկն և հաւաստիացնել մեզ, թէ նորա մէջ լողանալն շատ օգտաւէտ է, մարմինն կը փափկացնէ: Բայց երբ լողացինք, չարատաղրեց այն օգտուաններն, որ

ընծայումէին իրեն: Կարծեմ զաղի բաղադրութիւն ունէր: Տաքից գրեթէ նուազած և թաւկացած, մենք շատ նեղութիւն քաշելուց յետ, հասանք վերջապէս Սուճա գիւղն, ուր պէտք է օթեանէինք գիշերը: Արևի ջերմութեան երեսից պատսպարան որոնեցինք մի հիւղի մէջ, երբ մի ժամ յետոյ երկինքն մթնադնեցաւ, ամպերն զիգուեցան, սկսաւ որոտալ, և ապա մի յորդ անձրև թափուելով, օդն դովացրեց:

Ընթրքից յետ, մենք շուտով հանգստացանք, և չը նայելով զանազան տեսակ միջատների, որոնք անդադար քամում էին մեր արխմը, մի խոր քուն քաշեցինք մինչև առաւօտ:

9.

Յերեկուան պայծառ աստղն արդէն իւր փայլուն ճաճանչները սկսել էր արձակել երկրի վերայ և առաւօտեան երգեցիկ թռչունները բիւր զայլալիկ էին յօրինում, երբ սթափեցանք Մորփէոսի մեղ աղղած քնից: Իմանալով որ Արաքս շատ մօտ է Սուճայից, իմ սիրտս սկսաւ թնդալ. բիւր հայրենի մտածմունք գրաւեցին իմ միտքը. ահա ես տեսնուեմ Արաքսը, գոռոզ Արաքսը, հայրենեաց

վտակը, ականատես եմ լինելու նորա կոհակ-  
 ների ոստոստման, այն կոհակների՝ որոնք  
 շատ անգամ արնաշաղախ են եղել Արաքսի  
 հարազատ որդիների արեամբ: Ես երևակայում  
 էի իմ մէջ Արաքսի գոռում ու գոչումը, նորա  
 փրփրադէզ պլէքներն և օձապտոյտ մանուած-  
 ներով յառաջ խաղալը... բարէ, Հայաստա-  
 նում ճանապարհորդողը միշտ ենթակայ է տը-  
 խուր երևոյթների, դառն խորհրդածութիւննե-  
 րի.....

Սուճայից դուրս եկանք: Այս մի մեծ գիւղ  
 է թուրքարնակ, բնակչաց մեծ մասն աւաղակ  
 են և առաջին պարսկական գիւղն է սահմանադը-  
 խում: Անշուշտ սա ժամանակով Հայի շէն է  
 եղել... Սուճայից մինչի Զուլֆայ կամ Արաքսի  
 եզրը ճանապարհը հարթ և տափարակ է և կէս  
 ժամու հեռաւորութիւն ունի: Յընթացս ճանա-  
 պարհի թուրքերի մէկը սկսաւ պատմել Ստե-  
 փաննոս Նախավկայ վանքի ուխտագնացու-  
 թիւնն, առ որն նոքա մի առանձին յարգանք  
 են ցուցանում, և հին Զուլայի տեղն մատով  
 ցոյց տուեց: Այդ միջոցին Արաքսի ջրերն  
 ՚ի հեռուստ երևացին, սիրտս սկսաւ տրոփել:  
 Ստեփաննոս Նախավկայ և Հին-Զուլայ ան-  
 ուանքնորոմութեամբ լցրին իմ սիրտը: Քանի  
 մօտենում էինք՝ այնքան յուզմունքս շատա-

նում էր. բուն երևակայողութիւնը իմ աչքիս  
 առաջն պատկերացնում էր այն սարսափելի  
 անցքն, որ 270 տարի յառաջ պատահել էր  
 Հին Զուլայու Հայերին. ահա Շահարաս, հե-  
 ծած իւր արքայական գեղազատի վերայ կան-  
 գնած է և հրամայում է իւր զօրքին յառաջ  
 վարել թշուառ Հայ ժողովուրդը: Խեղդուողնե-  
 րերի աղաղակը, մարց կականալիւ ողբը, ան-  
 մեղ մանկանց և օրիորդաց զոռում ու գոչու-  
 մը, վայրագ զինուորների կատաղութիւնն և  
 անգթութիւնը, նիդակների վերայ ցցուած զը-  
 լուխները սարսափ են աղղում ինձ, ես գնում  
 եմ առանց հասկանալու, մեքենայաբար, կար-  
 ծում եմ, որ երբ Արաքսի մօտ հասնեմ, նո-  
 բան արնաշաղախ եմ տեսնելու, իմ թշուառ  
 Հայ եղբայրների ձայնն եմ լսելու, որ օգնու-  
 թիւն են կանչում. ես սկսում եմ—քաջաբուռ-  
 թիւն եմ տայիս, անիրան, վայրենի զինուոր՝  
 ինչո՞ւ քաջքաշում ես այդ հրեշտակամանն կոյ-  
 սը, ահա կը սատակեցնեմ քեզ, ասում եմ,  
 ձեռս տանում սրիս, որ խփեմ, երկու կտոր  
 անեմ, բայց կողմս սուր չը կայ...

Միայն Արաքսի վշկալն ինձ իրականութեան  
 բերաւ. ես կանգնած էի ցանկացեալ գետի ա-  
 ռաջն. նա ընթանում էր յամբարայլ պղտոր  
 և մռնչելով. դարուց դարուց յիշատակներ ծած-  
 կում էր նա իւր խորքերում. խռոված էր նա

և կարծես լուրեայն հեծում էր..... Այստեղ  
զրեթէ մեքենայաբար իմ շրթունքներս մըմը-  
ջացին «Մայր Արաքսի փերով» երգը:

Մենք դեռ Պարսից սահմանումն էինք, Ջու-  
ղայ կոչուած տեղում, ուր Պարսից սուրհան-  
դակատունն և պարսկական ու Հնդկա-Անգղի-  
ական հեռագրատունքն են: Ամառն, ինչպէս  
ասում են, անտանելի տաք է լինում այստեղ,  
օդն ջերմալից է և տենդոտ. պարտէղ կամ այ-  
գիք չը կան, միայն հովն երբեմն երբեմն շար-  
ժում է մի քանի անպտուղ ծառեր, աստ անդ  
ցրուած: Փոքր նաւակներով անցանք միւս եզ-  
րըն, ոտք կոխեցինք Ռուսաց հողի վերայ եւ  
կոմիսարին սովորական յարգանքնը մատուցա-  
նելուց յետ, նստեցինք փոստայի փոքր կառքն ու  
մի քանի ժամ ճանապարհորդելով մի դատարկ  
անապատով, վերջապէս ժամանեցինք Նախիջե-  
ւան քաղաքն, եթէ միայն կարելի է սորան  
քաղաք կոչել:

8067

17



